



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ivdex Magistratvs Senator

Zype, Franciscus van der

Antverpiæ, 1633

Cap. VII. Timens Deum.

urn:nbn:de:hbz:466:1-14280

administrabit, quām prouinciam Præses, qui ab Imperatore secessit. nam ita Christus, *Luc. 11. Qui non colligit mecum, dispergit.* Seminauit Christus probum semen: insperget Iudex zizania: quomodo hic agricola & dominus conuenient, in seruandis, colendis, purgandis fructibus? Quare rectè Imperatores orthodoxam fidem colendam, hæreses, hæreticosque compremendos, dignitatibus arcendos, Iudæos, paganos, compescendos, templa horum claudenda, superstitionem tollendam decreuerunt. *tot. tit. C. de Sum. Trinit. & de heret.* Summa felicitas Rerump. si boni reges, boni Magistratus, probæ fidei, & Religionis fuerint. Illi (inquit August. lib. 5. ciuit. c. 19.) qui verâ pietate prædicti bene viuunt, si hanc scientiam regendi populos consecutati sunt, nihil est felicius rebus humanais, quām si Deo miserante habeant potestatem.

Sed audiamus Diuina ipsa Oracula *Deut. 17.* Postquam sederit in solio regni sui, describet sibi Deuteronomium legis huius in volumine, excipiens exemplar à sacerdotibus Leuiticæ tribus, & habebit secum, legetque illud omnibus diebus vitæ suæ, ut discat timere Dominum Deum suum, & custodire verba & ceremonias eius, quæ in lege præcepta sunt. Nec eleuetur cor eius in superbiam super fratres suos, neque declinet in partem dexteram vel sinistram. & ipsa Sapientia c. 6. Audite ergo Reges, & intelligite, discite Iudices finium terræ. Præbete aures vos qui continetis multitudines, & placetis vobis in turbis nationum: quoniam data est à Domino potestas vobis, & virtus ab Altissimo, qui interrogabit opera vestra, & cogitationes scrutabitur: quoniam cum essetis ministri regni illius, non rectè iudicastis, nec custodistis legem iustitiae, neque secundum voluntatem Dei ambulastis. Horrendè & citè apparebit vobis, quoniam iudicium durissimum his qui præsunt, fiet. Exiguo enim conceditur misericordia: potentes autem potenter tormenta patientur.

C A P V T VII.

Timens Deum.

Ethro consilium exigit Iudices timentes Deum. *Initium quippe, sapientia timor Domini, Ps. 110. 10.* Non ab alio fonte fluit, non aliâ viâ graditur, quam timor seperit. *In maluolam animam non introbit sapientia, nec habitabit in corpore subditto peccatis, Sapien. c. 1.* Radix sanè & custos virtutum est timor Domini; ab eo procedunt, sine illius satellitio non sunt securæ. *Anchora cordis, inquit Greg. lib. 6. c. 23. est pondus timoris.* ab eo naues

naues nostræ, ne insanis mundi tempestatibus disiciantur, immortanturque, retinentur, ac sustentantur. *Timor Domini odit malum.* Prover. c. 8. ubi ille hospes est, non admittit vitia, nec cedit malis, quæcumque demum immineant; progenerat fortitudinem, iudicis iusti scutum inexpugnabile. *In timore Domini fiducia fortitudinis est.* Proverb. 14. *Super aspidem & basiliscum ambabat, & conculcabit leonem & draconem.* Psal. 90. *Si confistant aduersus eum castra, non timebit cor eius.* Psal. 26. *Assumet pennis, & sicut aquila volabit, & non deficiet.* Isaie 40. *Rectissime Lactantius 3. epist. primum justitiae esse officium scribit, Deum cognoscere ut parentem; metuere ut dominum; diligere ut patrem, non ille est seruilis, is enim degeneres animos timor arguit.* Filiorum ille est, qui metum simul & amorem uno nodo connectit, uno halitu spirat. Is ille est, qui, quem possidet, beatum facit. *Beatus vir qui timet Dominum.* Psal. 111. *Beatus homo, qui semper est pauidus.* Prover. 28. *quare? in mandatis eius cupit nimis.* ea illi regula voluntatis, vitae, actionum. *Qui timet Deum, faciet bona.* Eccl. 15. & quod inde profluit, qui continens est iustitiae, apprehendet eam, & strictè cōplicetetur: nō tepidè, non flaccidè, non in duas partes claudicando, sed feruentizelo, incenso, intensoq; amore totam amplexabitur. nec ita eo merēte Iustitia suas partes deseret, sed obuiabit illi quasi mater honorificata, sponte se ei offeret, si eam solā totā animi intentione, nullo affectu alio admisso teneat, ipsa diriget consilia eius, vias suas demonstrabit illi: liberabit eum, proteget, eripiet, & glorificabit eum, & ostendet illi salutare suum. Psal. 90. præbit illa, æquum iustumque præcinet, audire tantum, & succinere Iudicem oportet. *Qui timet Dominum, inueniet iudicium iustum, & iusticias quasi lumen accendent.* Prover. 36. præferet illa facem, quæ tenebras dispellet, quas offundere possunt affectus, metus, amor, dona, & quæcumque alia humana: & cum his pugnantem atque sub illius anciliis mox vincentem solabitur: *Dicite iusto, quoniam bene, quoniam fructum adiumentorum suarum comedet.* Isaie. 3.

C A P V T VIII.

Religiosus erga Ecclesiam.

Pletas in Deum asseclam habet Religionis obseruantiam, & Ecclesiæ venerationem. Valer. Max. Rubrica 1. *Omnia post religionem ponenda, & semper nostra ciuitas hoc duxit, etiam in quibus summe Maiestatis conspecti decus voluit. Quapropter non*